

光緒順天府志

人物志

先賢
三
四

人物志三



光緒順天府志九十三

先賢三

南海廖廷相纂江陰繆荃孫覆輯

唐

祖孝孫

盧承慶弟承泰

盧莊道

盧照鄰

陽嶠

盧粲

張知審

成三郎

平貞脊

盧履冰

盧鴻

盧若虛

張懷瓘

盧沔

盧巽

魯炅

張休

陳利貞

盧同

蔡廷玉

盧峴

王仲堪

盧羣

盧綸子簡能簡辭

正簡求

盧邁

李景略

順天府志九十三

一

盧景亮

盧於陵

盧殷

高崇文子承簡

劉頗

盧鈞

盧宏宣

賈島

盧士瓊

劉蕡

盧需

張仲武

張允仲

盧渥

唐

祖孝孫幽州范陽人也祖崇孺以學業知名仕至齊州長史孝孫

博學曉厯算早以達識見稱舊書開皇初詔太常牛宏議定律呂

於是博徵學者序論其法又未能決遇平江右得陳氏律管十二

枚并以付宏隋書律宏引孝孫為協律郎舊書遣曉音律者陳山

陽舊傳作太守毛爽及太樂令蔡子元于普明等隋書律與參定

雅樂毛爽妙知京房律法布瑄飛灰順月皆驗爽時年老宏恐失

其法於是奏孝孫從其受律舊書孝孫推五音十二律為六十音

又六之有三百六十音旋相為宮因定廟樂諸儒論難竟不施用

舊書音高祖受禪擢孝孫為著作郎歷吏部郎太常少卿漸見親

委孝孫由是奏請作樂時軍國多務未遑改創樂府尚用隋氏舊

文舊書武德中受詔定正聲雅樂舊書實威附傳舊傳言武至

貞觀二年奏之舊書音孝孫又以陳梁舊樂襍用吳楚之音周齊

舊樂多涉胡戎之伎於是斟酌南北考以古音作大唐雅樂以十

二月各順其律旋相為宮制十二樂合三十二曲八十四調舊書

祭園丘以黃鍾為官方澤以林鍾為宮宗廟以太簇為宮五郊朝

賀饗宴則隨月用律為宮初隋俱用黃鍾一宮惟扣七鍾餘五鍾

虛縣不扣及孝孫建旋宮之法皆偏扣鍾無復虛縣者矣舊書音

旋宮之義亡絕已久世莫能知一朝復古自孝孫始也孝孫卒其

順天府志九十三

後協律郎張文收復采三禮增損樂章然因孝孫本音舊書初高

祖將治新厯東都道士傅仁均善推步之學太史令庾儉傳奕薦

之詔仁均與儉等參議合受命歲名為戊寅元厯二年用之三年

朔望比不効新書中書令封德彝奏厯術差謬敕孝孫考其得失

舊書傳孝孫使算厯博士王孝通以甲辰厯法詰之仁均對曰宋

祖冲之立歲差隋張胄元等因而修之雖差數不同各明其意孝

通未曉乃執南斗為冬至冬至自有常數朔名由於月起月行遲

疾匪常三端安得即合故必須日月相合與至同日者乃為合朔

冬至耳孝孫以為然但畧去尤疏濶者新書厯志

盧承慶字子餘幽州涿人隋散騎侍郎思道之孫父赤松為河東

令與高祖雅故聞兵興迎見霍邑拜行臺兵部郎中終太子二字

書宰相世率更令范陽郡公新書承慶美風儀博學有才幹少襲

系表補

父爵貞觀初為秦州都督戶曹參軍因奏河西軍事太宗奇其明

辯擢拜考功員外郎累遷民部侍郎舊書列傳通典職官引作

舉不掌戶版列傳較是且天寶十一年始改吏部為文部是時猶未也帝問歷代戶版承慶敘夏商

至周隋增損曲折引據該詳帝嗟賞新書列傳二十二年兼檢校兵部

侍郎知五品選事承慶辭曰五品選事職在尚書臣今掌之便是

越局太宗不許曰朕今信卿卿何不自信也通典二歷雍州別駕

尚書左丞新書列傳永徽初為褚遂良所搆出為益州大都督府長史

遂良俄又求索承慶在雍州舊事奏之由是左遷簡州司馬歲餘

轉洪州長史舊書列傳帝將幸汝溫泉拜汝州刺史新書入為光祿卿

顯慶四年代杜正倫為度支尚書舊書列傳案新書宰相表杜

尚書九月兼中書令三年十一月貶橫州刺史承慶既代正倫為

三品當亦闕疑之意然上書拜汝州刺史下即書參知政事同中

順天府志九十三

三

書門下三品新書宰相表坐度支失所出為潤州刺史再遷雍州長史

舊書總章初為吏部尚書大唐新語二年代李乾祐為刑部尚書以年

老請致仕許之仍加金紫光祿大夫三年病卒年七十六舊書列傳

終誠其子曰死生至理猶朝有暮吾死斂以常服晦朔無薦牲葬

勿卜日器用陶漆棺而不槨墳高可識碑志著官號年月無用虛

文贈幽州都督諡曰定新書列傳初承慶為吏部考內外官一官督運

遭風失米考之曰監運損糧考中下其人容止自若無一言而退

承慶重其雅量改注曰非力所及考中中既無喜容亦無愧詞又

改注曰寵辱不驚考中上隋唐嘉話又其能著人善類此新舊弟

承業亦有學識舊書列傳繼為雍州長史尚書左丞有能名承業弟承

泰舊書列傳

承泰字舊書作齊卿新書盧承有人倫鑒舊書盧承長安初為雍

子誤

州參軍武后詔長史薛季昶舊書作季旭誤訪於齊卿齊卿白長

安尉盧懷慎李休光萬年尉李久崔湜咸陽丞倪若水蓋屋尉田

崇璧新豐尉崔日用季昶用其言後皆為通顯巨人新書開元初

為幽州原作幽州誤刺史舊書列傳而張守珪隸果毅新書附傳齊卿器之

引與共榻坐謂曰不十年子當節度是州為國重將願以子孫託

可寮屬相期邪新書張守珪傳已而果然新書附傳齊卿之少也孫思邈日後

十年位方伯吾孫為屬吏願自愛時孫思邈之孫溥尚末生及溥

為蕭丞而齊卿徐州刺史新書孫思邈傳大唐新語載王希夷

事希夷曰孔子云已所不欲勿施於人可齊卿喜飲酒踰斗不亂

以終身行之矣則齊卿又嘗為祖徠刺史新書附傳宰相世系表作廣

寬厚樂易士友以此親之終太子詹事廣陽縣公新書附傳宰相世系表作廣

陽郡公新書附傳宰相世系表作廣

盧莊道范陽涿郡人新書宰相世系表年十三造於父友高士廉以故人

子引坐會有獻書者莊道竊視之謂士廉曰此文莊道所作士廉

甚怪之曰後生何輕薄之行莊道請諷之果通復請倒諷又通士

廉請敘良久莊道謝曰此文實非莊道所作向窺記之耳士廉即

取他文及案牘試之一覽倒諷并呈已作文章士廉俱以聞太宗

召見策試擢第十六授河南尉滿復制舉擢甲科召見太宗識之

曰此是朕聰明小兒邪授長安尉太宗將錄囚徒京宰以莊道幼

年懼不舉欲以他尉代之莊道不從但閑暇不知省也時繫囚四

百餘人令丞深以為懼翌日太宗召囚莊道乃徐狀以進引諸囚

入莊道評其輕重留繫月日應對如神太宗驚異即日拜監察御

史大唐刑部員外郎宰相世新語盧照鄰字昇之幽州范陽人也年十餘歲從曹憲王義方授蒼雅

及經史初授鄧王府典籤舊書文苑傳王有書十二車照鄰總披覽畧

能記憶朝野僉載博學善屬文王愛重之舊書謂人曰此吾之相如也

新書文苑傳後為益州新都縣尉放曠詩酒朝野僉載與王勃楊炯駱賓王

皆以文章齊名天下稱王楊盧駱號四傑炯嘗曰吾愧在盧前恥

居王後議者謂然新書王勃傳朝野僉載又言世稱王楊盧駱

病去官居太白山新書師事孫思邈問愈疾養性之要新書孫得

方士元明膏餌之會父喪號嘔丹輒出由是疾益甚客東龍門山

布衣藜藿裴瑾之韋方質盧集作范履冰等時供衣藥疾甚手足

孱廢乃去具茨山下買園數十畝疏潁水周舍復豫為墓偃卧其

中新書列傳照鄰曾有橫事被拘為羣小所使將致之深議友人護救

得免盧集窮鳥賦自序自以當高宗時尙吏已獨儒武后尙法已獨黃老

封嵩山屢聘賢士已獨廢著五悲文新書列傳頗有騷人之風舊書列傳照

鄰家咸亨中良賤百口自丁家難私門凋喪不幸遇疾破產供醫

順天府志九十三

五

晚更信佛法盧集寄裴舍人書蓋文士之極坎坷者已提要四庫病既久與

親屬訣自沈潁水新書列傳時年四十舊書著幽憂子朝野僉載文集二十

卷兄光乘亦知名長壽中為隴州刺史舊書列傳

陽嶠北平無終人休之元孫為詹事司直時左臺中丞桓彥範右

臺中丞袁恕已共薦嶠為御史楊再思曰嶠不樂搏擊之任如何

彥範曰為官擇人豈必待其所欲所不欲者尤須與之所以長難

進之風抑躁求之路乃擢為右臺侍御史通鑑二百七

盧粲新書宰相世系表作璨幽州范陽人後魏侍中陽烏五代孫祖彥卿撰

後魏紀二十卷新書藝文志行於時官至合肥令新書儒學傳

石門東宮學士宰相世系表叔父行嘉亦有學涉高宗時為雍王記室

祭博覽經史弱冠擢進士舊書神龍中紀節愍太子之立在神龍

二年七月明年九月改元景龍而遷給事中時節愍太子立韋后

太子早已討武三思死舊書誤

疾之諷中宗以衛府封物給東宮樂駁奏太子七鬯主歲時服用
宜取於百司周禮諸用財器歲終則會唯王及太子不會今乃與
諸王等夷非所謂憲章古昔者詔可新書儒學傳後安樂公主壻武崇

訓爲節愍太子所殺特追封爲魯王令司農少卿趙履溫監護葬
事履溫諷公主奏請依永泰公主故事爲崇訓造陵舊書列傳樂曰凡

王公主墓無稱陵者惟永泰主事出特制非後人所援崇訓塋兆
請視諸王詔曰安樂公主與永泰不異崇訓於主當同穴爲陵不

疑樂固執以陵之稱本施尊極雖崇訓之親不及雍王雍墓不稱

陵崇訓緣主而得假是名哉新書列傳帝竟依樂所奏舊書列傳公主怒出

樂爲陳州刺史樂曰苟所論得行雖遠何憚開元初爲祕書少監

累封固安縣侯終邠王傳諡曰景新書列傳

張知審字匪躬幽州方城人案唐幽州無方城舊書地理志固安下云今治城漢方城縣地史家蓋沿

順天府志九十三

六

用晉魏舊名也舊徙家岐新書少與兄知元知晦勵志讀書皆以書作蒲州河東人列傳

明經擢第儀質瓌偉眉目疏朗舊書列傳曉吏治清介自守公卿爭爲

引重調露時知審監察御史裏行歷十一州刺史所莅有威嚴武

后降璽書存問萬歲通天中自德州刺史入計后奇其貌詔工圖

之稱其兄弟容而才謂之兩絕又門皆列戟白雀巢其庭后數寵

賜新書列傳時人稱之中宗以廬陵王安置房州舊書列傳禁察苛嚴知審

爲刺史新書列傳獨待遇以禮通鑑二供饘保戴不少弛帝復位拜左

衛將軍加雲麾將軍封范陽郡公歷東都副留守左右羽林大將

軍同華州刺史大理卿致仕新書列傳開元中卒年八十知審敏於從

政性亮直舊書列傳惡請謁求進士或不才冒位視之若仇每敕子孫

經不明不得舉家法可稱云新書列傳

成三郎通鑑幽州漁陽人也光宅元年舊書原脫元字案通典職官光宅元年改威衛爲豹

韜衛三郎即以是年為左豹韜衛長上果毅李孝逸之討徐敬業

討敬業被擒今據增舊書忠義傳以為前鋒敬業屯高郵之下阿溪勒兵拒守後軍總管蘇

孝祥夜將五千人以小舟度溪先擊之兵敗孝祥死士卒赴溪溺

死者過半三郎為敬業所擒通鑑二送於江都唐之奇給其眾曰

此李孝逸也將斬之舊書列傳三郎大呼曰我果毅成三郎非李將軍

也官軍今大至矣爾曹破在朝夕我死妻子受榮爾死妻子籍沒

爾終不及我也遂斬之通鑑二敬業平贈左監門將軍諡曰勇舊書

列傳

平貞睿字密一字間從燕國薊人北齊司空鑒之曾孫敦龐沈靜

直方簡易始以司成館進士補廬州慎縣尉刺史盧寶元舉器藏

下僚轉冀州大都督府曲沃縣尉換晉州洪洞縣主簿陽道昕推

以孝友資身裴知禮薦以經邦興化徙雍州新豐縣尉盧少儒引

為檢點判官休議登聞擢監察御史裏行奉使黔中監選有牂柯

謝鳳節仁秦罷漢官專任首領貞睿上其挾奸樹黨假擾蕃落天

子悟焉再使置吏夷騷旋定又駟牧在野攘竊是繁耗以歲月莫

之禁禦貞睿表監官斛斯果之輩奪職者九人沒贓者萬計牧圉

知禁思無邪矣開耀間吐蕃侵境師旅不給乃購運酬勳募耕入

選利之所在詐亦居焉貞睿與大理正王守一於河蘭鄯廓四州

推獲僦糴王希古盧種王誕其徒二千餘人正處其罪授監察御

史內難去職居喪過毀光宅初服闋授右臺監察御史巡察河南

澄清郡邑昇賢弊罪能執其中類功拜右肅政殿中侍御史再拜

司勳員外郎永昌中遭凶黨網羅為周興所奏貶温州固安令州

特舉清白改鴻州櫟陽令誠結無欺獄犴自靜詔書嘉譽加朝散

大夫又羅密徒貝錦為河內所鞠降括州員外司倉尋事白進吉

州司馬神龍中興拜司門郎中除衛王司馬拜左庶子以節愍之禍出爲涪州刺史轉廬州司馬致仕景龍中復起左諭德兼榮文館學士詔加銀青光祿大夫又攝詹事東都留守拜常州刺史居歲餘優詔致仕先天元年薨年八十凡撰張說平君神道碑孝經義養德傳新書藝文志注云卷亡清孝友悌傳各一篇先君親友傳十卷家譜家誌各十卷河南巡察記十卷文集十卷行於代神道碑

盧履冰幽州范陽人元魏都官尙書義僖五世孫開元五年仕歷

右補闕建言古者父在爲母菽水徹靈而心喪武后始請同父三年

非是請如禮便元宗疑之又以舅嫂叔服未安新書儒學傳勅令眾議

於是羣議分拏各安積習舊書禮儀志刑部郎中田再思曰會禮之家

比聚訟循古不必是而行今未必非父在爲母三年高宗實行之

著令已久何必乖先帝之旨闕人子之情愛一菽服於其親使與

伯叔母姑姊妹同嫂叔舅甥服太宗實制之闕百年無異論不可改履冰因言上元中父在爲母三年后雖請未用也逮垂拱始行之至有祖父母在而子孫歸後行服再菽不可謂宜禮女子無專道故曰家無二尊父在爲母服菽統一尊也今不正其失恐後世復有婦奪夫之敗不可不察書留未下履冰卽極陳父在爲母立几筵者一菽心喪者再菽父必三年而後娶以達子之志夫聖人豈蔑情於所生固有意於天下昔武后陰儲篡謀豫自光崇升菽齊抗斬衰俄而乘陵唐家以啟釁階孝和僅得反正韋氏復出醜殺天子幾亡宗社故臣將以正夫婦之綱非特母子間也議者或言降母服非詩所謂罔極者而又與伯叔母姑姊妹等且斬衰已有升降則歲月不容異也此迂生鄙儒未習先王之旨安足議夫禮哉罔極者春秋祭祀以時思之君子有終身之憂謂何限一菽

二暮服哉聖人之於禮必建中制使賢不肖共成文理而後釋彼

伯叔姑姊烏有筵杖之制三年心喪乎母齊父斬不易之道也案

冰疏詳載舊書禮儀志今從新傳節錄左散騎常侍褚無量以履冰議為是通鑑二百十二

元行冲議請據古為適弗報新書諸人爭論連年不決通鑑二百十二

七年下勅諸服紀一依喪服文舊書禮儀志後履冰以官卒新書

盧鴻案舊書傳作鴻一紀及新傳皆作鴻通鑑亦作鴻考異云案

字顥然新書本范陽人徙家洛陽舊唐書博學善書籀新書隱於

嵩山開元初遣幣禮再徵不至舊書五年正月幸東都舊書元宗

紀又云二月至自東都自字當衍詔曰鴻有泰一之道中庸之德

鉤深詣微確乎自高詔書屢下每輒辭託使朕虛心引領於今數

年雖得素履幽人之介而失考父滋恭之請豈朝廷之故與生趣

殊邪將縱欲山林往而不能返乎禮有大倫君臣之義不可廢也

今城闕密邇不足為勞有司其齋束帛之具重宣茲旨想有以翻

然易節副朕意焉六年二字據舊書紀鴻至東都謁見不拜新書

但罄折而已大唐宰相遣通事舍人問狀答曰禮者忠信所薄臣

敢以忠信見帝召升內殿置酒拜諫議大夫新書賜以章服并辭

不受大唐復下制許還山歲給米百斛絹五十匹四字據舊傳補

百府縣為致其家朝廷得失其以狀聞將行賜隱居服官營草堂

恩禮殊渥鴻到山中廣學廬聚徒至五百人及卒帝賜萬錢鴻所

居室自號甯極云新書

盧若虛幽州范陽人新書廬藏父璲有名於時官至魏州司馬舊

列傳新書傳京兆功曹開元十九年置先師太公廟若虛錄太

公之後四十八姓刻石為記封氏聞多才博物隴西辛怡諫為職

方有獲異鼠者豹首虎臆大如拳怡諫謂之鼯鼠而賦之若虛曰

非也此許慎所謂毳鼠豹文而形小一坐驚服終起居郎宰相世系表作

起居集賢院學士新書附傳

張懷瓘涿人與弟懷環俱有文學善草隸幾輔唐志七十九懷環自謂真

行可比虞褚草書獨步數百年間開元中翰林院供奉著書斷三

卷評書樂石論一卷古文大篆書祖一卷書佑書議六體論用筆

十法等篇傳於世懷環官至翰林集賢兩院侍書侍讀學士涿州吳志

盧沔范陽人任巴州成化縣令純深貞特廉孝絜矩夏大旱偶有

事於文宣公焚香至誠雷出自廟指顧倏忽霈然滂沱自下車數

月有感輒應頃因祠宇荒僻垣墉頽圯出家財以資匠費自甲至

癸不及旬而功已集君子曰盧侯以心感神以身律人可謂善政

也已矣巴州化成縣新移文宣王廟頌

盧巽范陽人安祿山陷覆洛京以偽職淫刑脅劫士庶巽潛遁於

順天府志九十三

十

陸渾山食木實飲泉水者二年訖不為逆命所汙及肅宗嗣位詔

河南尹薛伯連搜訪不仕賊庭隱藏山谷者伯連得六人以應詔

而巽在焉繇是名節聞於朝野君子以為知道優詔褒美白居易張公神

道碑銘

魯炆幽州薊人長七尺餘畧通書史以蔭補左羽林長新書天寶

六年隴右節度使哥舒翰引為別奏舊書顏真卿當使隴右謂翰

日君與耶將總節制亦嘗得人乎炆時立階下翰指曰是當為節

度使從破石堡城收河曲遷左武衛將軍後復以破吐蕃跳盪功

除右領軍大將軍安祿山反拜上洛太守將行於帝前畫攻守勢

遷南陽太守兼守捉防禦使封金鄉公尋為南陽節度使原作山

使案方鎮表至德元載升南陽防禦節度使二載升襄陽防禦使

為山南東道節度使廣德元年升山南西道防禦為節度使舊書

列傳新書本紀及通鑑皆以嶺南黔中山南東道子弟五萬屯湫

水南賊將武令珣畢思琛等擊之眾欲戰吳不可賊右趨乘風縱火鬱氣奔營士不可止負扉走賊矢如雨吳與中人薛道挺身走舉眾沒賊吳孳散兵保南陽新書列傳通鑑考異引元宗實錄云吳攜百姓數千人奔順陽川爲

賊所圍尋而潼關失守賊使哥舒翰招之不從舊書報書讓翰不

死哥舒使武令珣攻之田承嗣繼往新書列傳此上云令珣死案

嗣令珣奔河北通鑑考異引唐歷慶緒據鄴武穎川來瑱襄陽魏

仲犀合兵援吳新書列傳犀遣弟孟馴將兵至明府橋望風敗走舊書

傳吳城中食盡煮牛皮筋角食之舊書列傳米斗五十千一鼠四百餓

者枕藉朝廷遣使者曹日昇宣尉加吳特進太僕卿不得入日昇

請單騎致命中官請以兩騎助仲犀益騎凡十輩賊望見知皆銳

兵不敢擊遂入致命人心益固日昇復以騎趨襄陽領兵千由音

聲道運糧餉新書列傳又得相持數月吳在圍中一年舊書列傳晝夜戰至

人相食卒無救至德二載五月乃率眾突圍走襄陽承嗣尾擊吳

殊死戰二日斬獲甚眾賊引去拜御史大夫襄鄧十州節度使會

二京平賊走河北時襄陽數百里鄉聚蕩然舉無樵煙初賊欲剽

亂江湖賴吳適扼其衝故南夏以完策勳封岐國公實封二百戶

新書列傳加開府儀同三司舊書來乾元二年又加淮西節度使鄧州

刺史與九節度圍安慶緒於相州吳領淮西襄陽兩鎮步卒萬人

騎三百明年與史思明戰安陽新書列傳殺傷相半通鑑二吳中流矢

輒奔新書列傳大風忽起吹沙拔木天地晝晦兩軍大驚通鑑二百諸

節度潰去舊書時諸節度以所過剽奪而吳軍尤甚有詔來瑱節

度淮西徙吳鄭陳亳節度使至新鄭聞郭子儀整軍屯穀水李光

弼還太原吳羞惴新書列傳仰藥而卒吳竭節保邦舊書列傳蹈危效死料

敵雖非其良事君不失爲忠舊書列傳年五十七新書列傳

張休字祥幽州范陽人起家石亭別將為縣令軍司馬州長史各
一入為天子友儲君臣雖假以寵名而述實戎索受命為范陽節
度安祿山判官祿山以大權大寵外示忠而內謀逆大上皇推赤
心而勿疑敢有聞之者死休密言其戎狄豺狼不可厭也當是時
視鼎鑊如歸焉牧濠舒潤三州及洪州於是撤其帷帳薦蓐之具
便於身悅於目者二百餘物歸之有司減其俸錢稍食月幾十萬
貫於軍府平百貨之貴賤議刑罰之等差減承城吏卒幾三千歸
之隴畝而擊柝之守無闕賦豪富帶財數百萬賜於館餼而含糗
之徒不知從政三月州人愛之如父母昔張庭珪牧此州甚得人
譽張九齡次之迨休又有裕焉故邦人有三張之目拜御史中丞
廣州刺史嶺南節度經畧觀察使國人懷慕罔極揚名頌德崔佑甫張
公遺愛廣德元年官市舶使呂太一逐休縱下大掠廣州舊書代
碑頌

陳利貞幽州范陽人初為平盧將安祿山亂從李光弼軍河南案

弼傳安史之亂光弼皆張巡被圍睢陽光弼遣郝廷玉及利貞救

之輕騎出入廷玉稱為勝己以子妻之及歸薦於光弼新書李光

案通鑑張巡被圍睢陽一在至德二年正月一在三月正月之圍

時光弼方拒守太原被圍孔亟何暇遣救至三月尹子奇復攻睢

陽攷之巡傳但言賀蘭進明屯臨淮許叔冀尙衡次彭城皆觀望

莫肯救巡使南霽雲如叔冀請師不應如臨淮告急兵不出至真

源李貴遺馬百匹次甯陵得城使廉坦兵三千夜冒圍入賊知外

援絕圍益急巡亡三口而張鎬救至云云未聞有光弼救兵當時

若果有此救兵則睢陽何至於建中四年李希烈反新書德

於昭傳言恐未足據姑仍之

舒曜東討利貞為前鋒次郟城賊眾大集利貞出兵五百橫擣其

右新書破之希烈勢沮通鑑二百及希烈攻曜襄城利貞登陴捍
守七十日未嘗櫛沐非議事不下城朱泚反利貞及張廷芝所統
士皆幽薊河隴人故與廷芝合謀應泚而利貞麾下亦從為亂夜
半難作利貞拔劍當軍門大諍曰欲過門者先殺我眾畏其鋒乃

止廷芝出奔德宗嘉之擢汝州防禦使貞元五年疽發首卒遺觀

察使崔縱書自陳受國恩恨不得死所云

新書附傳

盧同范陽人

新書宰相世系表

明哲學問孝不懈禮不遺弱冠舉孝廉授

舒州望江縣丞

宰相世系表及韓愈盧君墓誌銘皆作縣令

年四十四終子東美

梁肅望江

縣丞盧公墓誌

始冠通詩書與其徒羣日講說周孔以相磨礪浸灌婆娑

嬉游

韓愈考功員外盧君墓誌銘

永泰中與崔造韓會張正則為友皆僑居上

元好談經濟之畧嘗以王佐自許時人號為四夔

舊書崔造傳

大厯初

御史大夫李栖筠由工部侍郎為浙西觀察使

韓愈撰銘

引為賓僚

其後為太常博士

韓愈撰銘

協律郎

梁肅撰誌

監察御史河南府司錄考

功員外郎在官舉其職年六十六而終

韓愈撰銘

蔡廷玉幽州昌平人與朱泚同里閭少相狎近

新書忠義傳

大厯七年

泚拜盧龍節度使

新書朱泚列傳

奏署幕府廷玉有沈畧善與人交內外

愛附泚多所容叩數遣至京師是時幽州兵最强財雄士驕悍日

思吞并不知有上下禮法廷玉語泚曰古未有不臣而能推福及

子孫者公南聯趙魏北結奚虜兵多地險然非永安計一日趙魏

反噬公乃沸鼎魚耳不如奉天子刻多難可勒勳鼎彝泚善之廷

玉陰欲耗其力諷泚出金幣禮士又勸歸貢賦助天子經費獻牛

馬係道儲廩為單因勸泚入朝諸校怒縛辱之囚歲餘廷玉無撓

辭泚不能屈待之如初廷玉有建白泚腹心朱體微輒左右之故

泚愈信桀傲稍革廷玉遂歲朝事泚乃奏涿薊瀛莫州為軍置團

練使以支郡隸屬盧龍軍稍削

新書列傳

泚弟滔戍還謀奪泚兵詭說

泚入朝

新書朱滔傳

泚乃以軍屬滔廷玉體微共白泚公入朝為功臣

首後務至重須誠信者乃可付滔雖大弟多變不情如假以兵是

嫁之禍也泚不聽二人隨泚到朝德宗為太子時知廷玉名及見

禮眷殊渥泚統幽州行營為涇原鳳翔節度使詔廷玉以大理少

卿為司馬體微為要籍

新書列傳

廷玉惡判官鄭雲逵奏貶莫州參軍

新書雲逵傳作平州

雲逵妻滔之女也滔復奏為掌書記雲逵深構廷玉於

滔通鑑二百二十七

滔有請於泚或不順廷玉必折之俾循故法

新書後列傳

滔南討有功雲逵數激怒之滔乃抗表論廷玉等離間骨肉

舊書鄭雲

逵傳數與泚書請殺二人

通鑑二百二十七

泚患滔奪其軍不從會滔以幽

州叛帝示滔表而泚亦白發其書乃歸罪於二人貶廷玉柳州司

戶參軍體微南浦尉以慰滔滔使謀伺諸朝日上若不殺廷玉當

請去得東出洛我且縛致麾下支解之將行帝勞廷玉曰爾姑行

為國受屈歲中當還廷玉至藍田驛人白左巡使鄭詹商於道險不

可往詹迫使趨潼關

通鑑言鄭詹誤遞文符至昭應送之廷玉至藍田召還而東與此畧異

廷玉以

為執已送滔

通鑑二百二十七

告子少誠少良曰我為天子不血刃下幽十

一城欲裂其壤使不得桀而敗於將成天助逆邪今吏使我出東

都此殆滔計吾不可以辱國比至靈寶自投於河帝閔廷玉忠歸

其柩厚賻之李晟平朱泚少誠等適終喪展表旬追贈廷玉并官

二子帝方招來滔寢其奏遂已

新書列傳

盧峴范陽人直方謙厚筮仕三次不雜州縣之職日亳州蒙城主

簿楚州保應縣尉潤州丹陽縣丞寬敬莅事不希名譽時議多之

大厯九年終年五十五

權德輿盧君墓誌銘

王仲堪其先太原人五代祖冲徙居幽州安次縣又為邑人也曾

祖挾王父幹儒墨傳家以孝弟自任考令仙蘊孫吳之術好立奇

功累以勲伐稍遷大理評事仲堪生而奇嶷齡年志學弱冠為燕

趙間人經史該通詞藻豔發大厯七年進士擢第解褐太原府參

軍事丁憂服闋授幽州大都督府戶曹參軍以能轉兵曹名檢標

舉局無留事充節度參謀拜監察御史奉使於蒲十三年旋車暴

殂年六十四

王叔平太原王公墓誌銘

盧羣字載初范陽人少學於大安山

舊書列傳唐書作垂山

新讀書業成東

遊淮海

南部新書

淮南節度使陳少遊聞其名作為從事建中末薦於

朝

南部新書言羣求索得千縑西之長安聞桑道茂善相術車馬

之口將求一言於是桑生昌言于時賢不旬辰之內凡京國重位

名士皆造羣門同力申薦代宗聞其名召見拜拾遺與此互異蓋

未足據

今不取會李希烈受詔諸將討之以羣為監察御史江西行營糧料

使興元二年江西節度嗣曹王皋奏為判官

舊書列傳

皋徙荆襄皆從

其府以勁正聞

新書列傳

貞元六年入拜侍御史

人張昆弟訟財不平又言嬖人宅匿珍寶德宗促案之羣奏言子

儀有大勲德今所訟皆其家事且嬖人宅子儀昔畀之非子弟所

宜言請赦勿問從之人謂羣識大體累遷兵部郎中

新書列傳

淮西節

度使吳少誠擅開決司洧等水漕輓漑田遣中使止之少誠不奉

詔令羣使蔡州詰之

舊書列傳

少誠曰是於人有利羣曰臣道貴恭恪

所以為順也專命廢順雖利何有且怠於事上者固不能責其下

矣少誠聽命

新書列傳

羣有口辨好談論

順禍福皆有效所以感動之少誠竦然既置酒賦詩又歌以慰之

少誠感悅不敢桀

新書列傳

羣博涉多所許與使反側之地天子以為

任事

柳宗元先君石表陰先友記

遷檢校秘書監兼御史中丞義成軍節度行

軍司馬貞元十六年節度姚南仲歸朝拜羣義成軍節度使

舊書列傳

原作天成軍案地理志有義成無天成柳宗

元先友記亦作義成姚南仲傳亦然今據改

羣嘗客居於鄭

新書居鄭

質良田以耕至是則出券貸直以田歸其人卒年五十

九贈工部尚書

新書列傳

盧綸字允言

新書文苑志

范陽人後徙家於蒲

舊書盧簡辭傳

案新

世系表仍列范陽四天寶亂客鄆陽新書列傳舊書言天寶末

言入歲始讀書四方遂有兵是月胡入洛明年天隕星因浮襄江

取與郡人吉中孚為林泉友舊書盧大厯初數舉進士不第元載

取綸文以進補閬鄉尉累遷監察御史輒稱疾去新書宰相王縉

奏為集賢學士秘書省校書郎王縉兄弟有詩名於世所辟皆辭

人名士以綸能詩禮待逾厚舊書盧簡辭傳案元載王縉二事

鄉留別詩及卧病寓居龍興寺詩自注云時子罷推官又有元日

早朝呈故省諸公詩及元日朝回寄南宮二故人詩自稱郎吏則

新舊書所載皆不十二年紀及宰相表縉得罪坐累久之調陝府

戶曹河南密縣令建中初為昭應令舊書渾瑊率河中辟元帥判

官累遷檢校戶部郎中嘗朝京師是時舅韋渠牟得幸德宗表其

才召見禁中帝有所作輒使賡和異日問渠牟盧綸何在答曰綸

從渾瑊在河中驛召之會卒綸與吉中孚韓翃錢起司空曙苗發

順天府志九十三

六

崔峒耿漳夏侯審李端皆能詩齊名號大厯十才子新書而情辭

捷麗綸作尤工舊書盧憲宗詔中書舍人張仲素訪集遺文文宗

尤愛其詩問宰相綸文幾何亦有子否李德裕對綸四子簡能簡

辭宏正簡求皆擢進士第在臺閣遣中人悉索家笥得詩五百篇

以聞新書列傳新書藝文志盧綸詩集十卷

簡能字子拙登第後再辟藩府入為監察御史駕部員外檢校司

封郎中舊書盧簡太和九年李訓鄭注謀誅宦官舊書文乃出注

使鎮鳳翔外為助援新書李注請僚屬於訓訓與舒元興謀終殺

注慮其豪傑為助更擇臺閣長厚者以簡能為判官新書鄭及訓

敗注誅簡能為監軍使所害舊書附傳子知猷字子暮中進士第登宏

辭補秘書省正字蕭鄴鎮荆南劍南再辟掌書記入遷右補闕出

為饒州刺史以政最聞累進中書舍人新書盧簡廣明二年僖宗